



سینه دو کلمک آغلامق بر عادت اولمشدر بزم
 ذوق ایچون دنیا ده یوقسه دلربادن چوق نه وار
 کامران ایتیمکده در سرمایه غدر انام
 احتکار اهلنده شمدی اغنیادن چوق نه وار
 وارمی بز احیای ملکه سعی ایدن عیسی نفس
 یوقسه انسان تکلنه کیرمش وبادن چوق نه وار
 بر طرفدن طعن دشمن بر طرفدن درد عشق
 یاردن عاشقلمه جور واذادن چوق نه وار
 آفتاب حسنه مغرور اولمه ناپاینده در
 حسنی پامال خطا اولمش مهلقادن چوق نه وار
 ساحه امکانده بر بی دردی بولمقدر هنر
 یوقسه آلام و جفایه مبتلادن چوق نه وار
 هیچ بری عند آلهیده اولورمی مستجاب
 الله تسبیح ریا دیلده دعادن چوق نه وار
 ای (امیری) حسرتندن چاتلیور اهل حسد
 اهل استعداد قارشی افترادن چوق نه وار



غزل

اوزمانکه یانمه یاروفاکار کلیر
 خاکپایله دوای دل بیمار کلیر
 یالکزمی کلیر اول روح روان، برلکده
 رخ کلیر کوز کلیر ابروی صفادار کلیر
 لب کلیر خنده کلیر جلو کلیر ناز کلیر
 جانمک جانی کبی شیوه لی گفتار کلیر

رخ کلنبه جانان ایله تخمین ایتسم
 کل کلزار لطافت کوزیمه خار کلیر
 نه قدر پرتو لطفک بنی منون ایتمش
 بدراولان آیه کوزم باقسه بکاعار کلیر
 نه زمان لطف ایدرک کلسه اوروحک روحی
 درد و غم جمله کیدر طالع بیدار کلیر
 نه قدر مشکل ایش درد و فراق جانان
 آفتابه باقه نم خاطریه یار کلیر [۱]
 یار کلسه یانمه هر طرفم کلشن اولور
 فکره آرتق نه کلستان نه چنزار کلیر
 (ای امیری) کرم و عاطفتی وارا ولسون
 چونکه هر کون یانمه سوکیلی دلدار کلیر
 بهار مناسبتیه برنظام
 هم کولسه اوکلعدار خوشدر
 هم کولسه ده او یار خوشدر
 زیراکل لاله زار خوشدر
 هم غنچه نوبهار خوشدر
 آهمله صفا بولور اودلدار
 بعضاده خشونت ایلر اظهار
 اما بکا کشف اولور بواسرار
 هر جلوه روزگار خوشدر
 یارین کلیرم دینجه جانان
 مستغرق اولور سروره وجدان
 شدتایر انتظار انسان
 اما که بوانتظار خوشدر

[۱] مصراع مشهور

آفتابه باقه نم یار کلیر خاطریه